

SULIT

Isi Kandungan Taksiran Individu

Taksiran Individu 1: Kebudayaan, Kesenian dan Estetika – Industri Kraf Tangan

Taksiran Individu 2: Alam Sekitar dan Teknologi Hijau – Hutan Paya Bakau

Taksiran Individu 3: Kesihatan dan Kebersihan – Tekanan Keluarga

Taksiran Individu 4: Sains, Teknologi dan Inovasi – Elektrik vs Hidrogen

Taksiran Individu 5: Jati Diri, Patriotisme dan Kewarganegaraan – Belia Harapan Bangsa

Taksiran Individu 6: Sejarah dan Warisan – Pakaian Tradisional

Taksiran Individu 7: Bahasa dan Kesusasteraan – Memartabatkan Bahasa, Sastera dan Budaya

Taksiran Individu 8: Ekonomi, Keusahawanan dan Pengurusan Kewangan – Koperasi Sekolah

BAHAGIAN A: TAKSIRAN INDIVIDU 1

[40 markah]

TEMA : KEBUDAYAAN, KESENIAN DAN ESTETIKA

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

INDUSTRI KRAF TANGAN



Industri kraf tangan merupakan satu cabang seni yang unik dan mempunyai nilai yang tersendiri di Malaysia. Barangan seperti wau dan anyaman tikar yang dihasilkan melalui industri kraf tangan juga menjadi lambang dan tradisi sesebuah negeri seperti Kelantan dan Sarawak. Walau bagaimanapun, kepopularan barangan tersebut kian terhakis ditelan zaman ibarat hidup segan mati tak mahu. Industri kraftangan negara kini bergelut untuk terus bernafas. Para pengusaha kraf tangan tempatan bukan sahaja terdesak untuk mencari peluang pekerjaan, malah berdepan dengan masalah permintaan domestik yang kurang memberangsangkan. Oleh yang demikian, pelbagai pihak perlulah mencari mekanisme berkesan untuk memajukan industri kraf tangan di Malaysia.

Dipetik dan diubah suai daripada <https://www.academia.edu>

BAHAGIAN A: TAKSIRAN INDIVIDU 2

[40 markah]

TEMA : ALAM SEKITAR DAN TEKNOLOGI HIJAU

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

HUTAN PAYA BAKAU



Hutan paya bakau merupakan ekosistem yang banyak terdapat di pesisir pantai negara kita yang kini mengalami kepupusan yang serius akibat perbuatan tangan manusia seperti penebangan pokok bakau tanpa kawalan. Hal ini disebabkan kayu bakau telah didapati sesuai dijadikan bahan bakar dan cerucuk untuk sebarang projek pembinaan manakala arang kayu bakau pula amat berkualiti dan sesuai untuk kegunaan domestik. Ancaman terus berlaku apabila hutan paya bakau diteroka untuk dijadikan kawasan pertanian dan penternakan ikan air tawar. Kawasan paya bakau yang dahulunya berada jauh ke tengah laut, kini hanya beberapa meter sahaja dari pantai. Aktiviti pengorekan pasir dan pembangunan di sekitar kawasan paya bakau semestinya akan merosakkan ekosistem hutan paya bakau ini.

Dipetik dan diubah suai daripada <https://ms.m.wikipedia.org>

BAHAGIAN A: TAKSIRAN INDIVIDU 3
[40 markah]
TEMA : KESIHATAN DAN KEBERSIHAN

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

TEKANAN KELUARGA



Keluarga merupakan satu unit yang berkongsi pengalaman, isu dan cabaran hidup yang sama. Oleh sebab itu, tekanan atau stres yang wujud perlu dikongsi bersama ahli keluarga. Tekanan keluarga merujuk kepada ketidakseimbangan di antara tuntutan dan kemampuan keluarga untuk memenuhi tuntutan tersebut. Setiap unit keluarga mempunyai pengalaman dan pemahaman yang berbeza berkaitan kaedah pengurusan tekanan. Kehidupan yang terlalu sibuk menyebabkan kita sering melupakan kegiatan yang sangat berfaedah untuk kesihatan fizikal, mental dan psikologi kita. Terdapat beberapa faktor tekanan dalam keluarga seperti konflik perhubungan, masalah kewangan, masalah kerjaya, masalah penjagaan anak, dan campur tangan pihak ketiga. Tekanan boleh dikawal dengan pelbagai cara secara sendiri mahu pun melalui bantuan ahli keluarga atau rakan-rakan.

Dipetik dan diubah suai daripada <https://www.pendidikan.my>


BAHAGIAN A: TAKSIRAN INDIVIDU 4

[40 markah]

TEMA : SAINS, TEKNOLOGI DAN INOVASI

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

ELEKTRIK VS HIDROGEN



Kenderaan elektrik (EV) digerakkan oleh tenaga daripada pengecasan bateri manakala kereta elektrik sel fuel (FCEV) adalah kereta yang menggunakan tindak balas gas hidrogen dan oksigen melalui medium sel bahan api untuk penghasilan tenaga elektrik bagi pengecasan bateri sebelum digunakan untuk menggerakkan motor elektrik. Jenama kereta yang terkenal dengan kereta elektrik seperti Audi, BMW, Mercedes Benz serta Tesla yang menawarkan model kereta dengan jarak perjalanan bermula sekitar 200 hingga 500 km bagi setiap kali pengecasan bateri. Manakala kereta hidrogen yang komersial pula dikeluarkan seperti Toyota Mirai (2015), Honda Clarity (2016) dan Hyundai Nexo (2018). Jarak perjalanan bagi kereta hidrogen pula adalah sekitar 300 hingga 500 km bagi setiap kali pengisian penuh gas hidrogen.

Dipetik dan diubah suai daripada <https://www.hmetro.com.my>

BAHAGIAN A: TAKSIRAN INDIVIDU 5

[40 markah]

TEMA : JATI DIRI, PATRIOTISME DAN KEWARGANEGARAAN

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

BELIA HARAPAN BANGSA



Belia adalah generasi harapan bangsa dan negara untuk masa kini dan masa akan datang. Mereka adalah pewaris kepimpinan dan tunjang pembangunan dalam merealisasikan matlamat negara dalam apa jua aspek penting yang boleh menyumbang kepada bangsa dan tanah air. Belia pada era globalisasi ini diperlukan oleh kerajaan bagi sama-sama membantu memperkembangkan ekonomi negara. Para belia yang cekap dan kreatif dalam hal pengurusan amat membantu dalam mempelbagaikan sumber ekonomi negara. Hal ini amat bertetapan dengan impian negara untuk melahirkan belia yang cemerlang dan mampu untuk membangun serta memajukan negara pada masa hadapan. Perkara pokok untuk menjadi belia yang cemerlang adalah hormat kepada agama, perlembagaan dan undang-undang negara.

Dipetik dan diubah suai daripada <https://pmtgsepam.pjk.com.my>

BAHAGIAN A: TAKSIRAN INDIVIDU 6

[40 markah]

TEMA : SEJARAH DAN WARISAN

Baca dan fahami bahan rangsangan di bawah ini dengan telitinya. Kemudian jawab soalan-soalan yang dikemukakan secara lisan dengan menggunakan ayat yang gramatis.

PAKAIAN TRADISIONAL



Pakaian Melayu sepanjang zaman menerokai susur galur sejarah pakaian masyarakat Melayu dan perkembangannya sejak dari zaman tradisional hingga ke zaman moden. Pemakaian busana tradisional tidak dianggap sebagai ketinggalan zaman malah melambangkan identiti budaya. Baju Melayu dan baju kurung merupakan baju tradisional Melayu yang telah dijadikan sebagai pakaian kebangsaan di Malaysia. Pakaian tradisional ini menjadi lambang perpaduan rakyat Malaysia yang berbilang kaum. Uniknyanya pakaian tradisional ini bukan sahaja sering digunakan dalam majlis keagamaan, malah sesuai digayakan dalam pelbagai majlis rasmi dan majlis penganugerahan kerajaan. Konsep baju kurung yang selesa, longgar dan labuh sangat sesuai untuk digayakan sepanjang hari. Pemakaian baju kebangsaan bukan sahaja memperkukuh perpaduan, malah sebagai satu cara untuk mempromosikan kebudayaan dan identiti negara kepada masyarakat luar.

Dipetik dan diubah suai daripada <https://ecentral.my>

BAHAGIAN A: TAKSIRAN INDIVIDU 7

[40 markah]

TEMA: BAHASA DAN KESUSASTERAAN

Baca dan fahami bahan rangsangan di bawah dengan teliti. Kemudian jawab soalan-soalan yang dikemukakan secara lisan dengan menggunakan ayat yang gramatis.

MEMARTABATKAN BAHASA, SASTERA DAN BUDAYA



Sekitar tahun 1970-an dan 1980-an, Persatuan Bahasa Melayu dan Kelab Sastera menjadi tumpuan aktivis pelajar untuk berkarya dalam memanfaatkan kebebasan dan menjuarai masalah rakyat. Mereka menjadi suara bukan sahaja yang bersifat sangat peribadi tetapi juga dalam hal-hal perjuangan untuk memartabatkan bahasa, sastera dan budaya. Karya mereka juga dijadikan bahan bacaan, dipamer dan dimanfaatkan sebaik mungkin terutama pemikiran besar yang dapat mengajak mahasiswa dan warga kampus berfikir dan melihat kehalusan bahasa tulisan mereka. Karya Usman Awang misalnya sarat dengan semangat perjuangan dan perpaduan yang seharusnya difahami oleh generasi masa ini. Memartabatkan bahasa, sastera dan budaya seiring dengan sains dan teknologi penting demi mewujudkan negara bangsa yang mempunyai jati diri dan seimbang di antara kepentingan teknologi dengan jiwa kemanusiaan, kelestarian dan kasih sayang.

Dipetik dan diubah suai daripada <https://www.bharian.com.my>

BAHAGIAN A: TAKSIRAN INDIVIDU 8

[40 markah]

TEMA: EKONOMI, KEUSAHAWANAN DAN PENGURUSAN KEWANGAN

Baca dan fahami bahan rangsangan di bawah dengan teliti. Kemudian jawab soalan-soalan yang dikemukakan secara lisan dengan menggunakan ayat yang gramatis.

KOPERASI SEKOLAH



Koperasi sekolah merupakan wadah berkesan untuk murid-murid berniaga, menjadi usahawan, mentadbir dan mengurus koperasi serta mendapat kemahiran-kemahiran insaniah. Malah pelibatan mereka ini mampu memperkukuhkan jati diri yang menjadi pegangan koperasi. Pelbagai program telah dilaksanakan oleh koperasi sekolah dalam mendidik semangat keusahawanan dalam kalangan murid-murid sekolah kerana penerapan dan pendedahan kepada budaya dan nilai-nilai keusahawanan ini juga merupakan salah satu proses pembelajaran. Kini, sudah menjadi trend kebanyakan koperasi sekolah mewujudkan kiosk dan hal ini adalah satu perkembangan yang lebih baik kerana koperasi turut memainkan peranan penting kepada asas ekonomi negara.

Dipetik dan diubahsuai daripada <https://www.pendidikan.my>

SULIT

Kandungan Taksiran Kumpulan

Taksiran Kumpulan 1: Pendidikan

Taksiran Kumpulan 2: Pelancongan

SULIT

BAHAGIAN B : TAKSIRAN KUMPULAN 1

[30 markah]

TEMA: PENDIDIKAN

Walaupun buku bercetak masih mendapat sambutan dalam kalangan masyarakat, namun sumber bacaan dalam medium digital juga semakin diminati ramai terutamanya dalam kalangan golongan muda kerana mudah diperoleh dan boleh dibaca pada bila-bila masa dan di mana-mana sahaja.

Ulaskan pernyataan tersebut.

KERTAS PEPERIKSAAN TAMAT

BAHAGIAN B: TAKSIRAN KUMPULAN 2

[30 markah]

TEMA: PELANCONGAN

Malaysia kaya dengan pelbagai ciri tarikan pelancongan seperti keindahan alam sekitar, keenakan makanan, kepelbagaian budaya, keunikan senibina prasarana dan khazanah tinggalan sejarahnya. Namun begitu, salah satu daya tarikan pelancong yang perlu diberikan perhatian sewajarnya adalah pelancongan di kawasan tanah tinggi.

Ulasakan pernyataan tersebut.

KERTAS PEPERIKSAAN TAMAT